



LJEKARSKA /LIJEČNIČKA KOMORA KANTONA SARAJEVO

Page | 1

Na osnovu člana 24. Statuta Ljekarske/Liječničke komore, Skupština Ljekarske-Liječničke komore Kantona Sarajevo na 17. redovnoj Skupštini održanoj dana 21. februara 2018.godine, usvojila je:

Pravilnik o izboru tijela Ljekarske/Liječničke komore Kantona Sarajevo

I OPŠTE ODREDBE

Član 1.

(1) Ovim Pravilnikom uređuju se izbori za Skupštinu Ljekarske/Liječničke komore KS (u daljnjem tekstu: Komora), predsjednika i podpredsjednika Skupštine Komore, predsjednika i podpredsjednika Komore, članove Nadzornog odbora, Upravnog odbora članove Suda časti, Branioca te Tužioca i dva zamjenika tužioca Komore te članove stalnih odbora i komisija.

Član 2.

(1) Članovi Ljekarske/Liječničke komore (u daljnjem tekstu: članovi Komore) imaju pravo birati i biti birani u tijela Komore, u skladu sa članom 15. Statuta Komore.

(2) Pravo biranja je lično i neprenosivo.

(3) Izuzetak na pravo izbora su članovi rukovodećih struktura u zdravstvenim ustanovama, članovi upravljačkih struktura u zdravstvenim ustanovama, članovi izvršne i zakonodavne vlasti, članovi u organima i izvršnim tijelima političkih partija (u daljem tekstu dužnosti tijela javne i državne vlasti) i to za funkcije predsjednika Skupštine Komore, podpredsjednika Skupštine Komore, predsjednika i podpredsjednika Ljekarske Komore, predsjednika Upravnog odbora, članova UO, predsjednika NO i članova NO.

Član 3.

(1) Odluku o raspisivanju izbora za delegate Skupštine Komore donosi Upravni odbor Komore najkasnije 90 dana prije isteka mandata delegatima Skupštine Komore.

(2) U skladu sa odlukom o raspisivanju izbora, izbori se provode za delegate Skupštine, predsjednika Skupštine, podpredsjednika Skupštine, predsjednika i podpredsjednika Komore, članove Nadzornog odbora, Suda časti Komore, Upravnog odbora Komore, Branioca Komore, Tužitelja Komore i zamjenike Tužitelja, članove stalnih odbora i komisija, te se propisuju rokovi za provođenje pojedinih izbornih radnji, datum i početak izbora, datum i vrijeme glasanja, datum održavanja Skupštine, te način provođenja glasanja.

Page | 2

(3) Odluka iz stava 2. ovog člana objavljuje se na oglasnim pločama svih organizacionih jedinica, oglasnoj ploči i web stranici Komore u roku od osam dana od donošenja iste.

(4) Od dana raspisivanja izbora pa do dana početka izbora ne smije proći manje od 30 dana niti više od 60 dana.

Član 4.

(1) Izbore nadzire Centralna komisija za izbore i imenovanja (u daljem tekstu Centralna komisija).

(2) Centralnu komisiju čine predsjednik komisije i četiri člana, u koju ulaze predstavnici svih nivoa ZZ i predstavnik uposlenih u privatnoj praksi.

(3) Centralnu komisiju imenuje Upravni odbor na osnovu prijedloga iz svih izbornih jedinica, dobivenih putem delegata Skupštine, a na osnovu prijedloga zbora ljekara izborne jedinice.

(4) CENTRALNA KOMISIJA provodi izbore na osnovu Statuta i ovog pravilnika te:

- se brine za pravilnu pripremu i provođenje izbora,
- potvrđuje članove Izbornih komisija izbornih jedinica(u daljem tekstu Izborna komisija), potvrđuje izborna mjesta i daje obavezne upute za rad izbornih komisija,
- izrađuje popis birača po izbornim jedinicama te ih dostavlja izbornim komisijama,
- propisuje obrasce u postupku pripreme i provođenja izbora, dostavlja glasačke listiće svim Izbornim komisijama Komore, nadzire rad Izbornih komisija,
- utvrđuje rezultate izbora,
- objavljuje rezultate izbora,
- provodi izbore na Skupštini za tijela Komore,
- provodi postupak nadzora izbornog postupka od strane članova Komore, propisan od Upravnog odbora,
- vodi zapisnik o radu, koji potpisuju svi članovi Centralne komisije i koji se u roku od tri dana dostavlja Upravnom odboru,
- obavlja i druge poslove određene ovim Pravilnikom.

Član 5.

(1) Najkasnije 15 dana od dana raspisivanja izbora aktuelni saziv delegata ima obavezu da sazove zbor ljekara u izbornoj jedinici, na kojem se prvo imenuje privremeno radno predsjedništvo, a kasnije se većinom glasova određuje:

- Izborna komisija izborne jedinice sa predsjednikom komisije i dva člana
- kandidati za delegate iz izborne jedinice, te kandidati za sva tijela Komore, stalne odbore i komisije.

(2) Za delegata Skupštine i tijela Komore se može kandidirati svaki član izborne jedinice.

(3) Izborna komisija sastoji se od predsjednika komisije i dva člana.

(4) Izborna komisija:

- brine za pripremu i pravilno provođenje izbora svoje izborne jedinice,
- prema obaveznim uputama Centralne komisije obavlja sve tehničke pripreme za obavljanje izbora u svojoj izbornoj jedinici,
- na temelju prijedloga kandidata sastavlja i objavljuje listu kandidata za delegate svoje izborne jedinice,
- sudjeluje u radu Centralne komisije na poziv predsjednika Centralne komisije,
- vodi zapisnik o radu, koji potpisuju svi članovi Izborne komisije i koji se u roku od tri dana dostavlja Centralnoj komisiji
- obavlja i druge poslove određene ovim Pravilnikom.

II SKUPŠTINA KOMORE

1. Izbori za Skupštinu Komore

Član 6.

Delegata Skupštine biraju članovi Komore u izbornim jedinicama na neposrednim izborima, glasanjem.

Član 7.

(1) Mandat delegata Skupštine traje četiri godine.

(2) Član Komore može biti ponovno izabran za delegata Skupštine najviše u dva uzastopna mandata.

Član 8.

(1) Jednu izbornu jedinicu čini jedna zdravstvena ustanova koja broji ≥ 20 ljekara, a zdravstvene ustanove koje imaju manje od 20 ljekara, biraju/delegiraju jednog delegata.

(2) Ukupan broj delegata Skupštine utvrđuje se na osnovu podataka iz registra članova Komore koji redovno plaćaju članarinu na dan raspisivanja izbora tako da se na svakih 20 članova od ukupnog broja

jedne izborne jedinice, bira jedan (1) delegat, a iz ustanova koje imaju manje od 20 ljekara, bira se jedan (1) delegat.

Član 9.

(1) Član Komore može se kandidirati za delegata u Skupštini Komore, predsjednika Skupštine, zamjenika predsjednika Skupštine, predsjednika i podpredsjednika Komore, člana Nadzornog odbora, Suda časti Komore, Upravnog odbora komore, Branioca Komore, Tužitelja Komore i zamjenika Tužitelja, člana stalnih odbora i komisija.

(2) Kandidati koji budu izabrani na odgovarajuću funkciju imaju obavezu da iznose stav svoje izborne baze.

(3) Članovi Centralne komisije i Izbornih komisija provode izbore i ne mogu se kandidirati na funkcije iz člana 9 stav 1.

(4) O pravu na kandidaturu treba upoznati blagovremeno sve članove Komore.

Page | 4

Član 10.

Kandidat za delegata skupštine, predsjednika Skupštine, podpredsjednika Skupštine, predsjednika i podpredsjednika Komore, člana Nadzornog odbora, Suda časti Komore, Upravnog odbora Komore, člana stalnih odbora i komisija ističe kandidaturu na propisanom obrascu za isticanje kandidature koji sadrži podatke o kandidatu:

- prezime i ime,
- adresu stanovanja,
- stručno zvanje,
- mjesto rada,
- broj lične karte,
- potpis kandidata

Član 11.

(1) Kandidati se kandidiraju u izbornoj jedinici prema mjestu rada.

(2) Članovi zaposleni u privatnoj praksi čine jednu izbornu jedinicu. Izbor delegata predstavnika privatne prakse vrši se po istom principu koji važi za zaposlene u javnim zdravstvenim institucijama.

Član 12.

(1) Ispunjeni obrazac za isticanje kandidature iz člana 10. ovog Pravilnika mora biti dostavljen Izornoj komisiji najkasnije u roku od 30 dana od datuma utvrđenog Odlukom Upravnog odbora Komore o raspisivanju izbora za delegate Skupštine i tijela Komore.

(2) Uz obrazac iz stava 1. ovog člana, kandidat je obavezan dostaviti:

- Izjavu da protiv njega nije izrečena teža disciplinska mjera privremenog ili trajnog oduzimanja licence od strane nadležnih tijela Komore,
- Izjavu da nije na funkciji u javnoj ili državnoj vlasti ili organu političke partije,
- Za funkciju predsjednika Skupštine i zamjenika predsjednika Skupštine, predsjednika i dopredsjednika Komore te predsjednika Upravnog odbora

i njegovog zamjenika, Ovjerenu Izjavu da nije na funkciji u javnoj ili državnoj vlasti, ili organu političke partije.

Član 13.

(1) Nadležna izborna komisija će u roku od tri radna dana od isteka roka, iz člana 12. ovog Pravilnika, od svih predloženih kandidata sastaviti i objaviti listu kandidata izborne jedinice na oglasnim pločama izbornih jedinica te primjerak dostaviti Centralnoj komisiji.

Page | 5

(2) Lista kandidata objavit će se i na oglasnoj ploči sjedišta Centralne komisije, te na web stranici Komore.

Član 14.

Na listu kandidata izborne jedinice kandidati se unose prema abecednom redu prezimena, te se uz njihovo ime i prezime upisuje i naziv specijalizacije ukoliko je kandidat specijalist.

Član 15.

(1) Glasanje se obavlja putem glasačkih listića, koje na temelju liste kandidata izborne jedinice sastavlja i raspoređuje Centralna komisija.

(2) Glasачki listić sadrži:

1. oznaku da se izbori odnose na Skupštinu Ljekarske komore
2. identifikacijski broj listića
3. oznaku izborne jedinice
4. redni broj delegata koji se bira i označeni prostor u koji se upisuje znak X pored kandidata za kojeg se glasa
5. pored rednog broja stoji prezime i ime kandidata, specijalizacija
6. pečat Komore

(3) Na glasačkom listiću navode se kandidati onim redom kojim su navedeni na listi kandidata.

Član 16.

(1) Centralna komisija svakoj Izornoj komisiji dostavlja glasačke materijale s uputama o glasanju i naznakom roka u kojem isti trebaju biti dostavljeni Centralnoj komisiji.

(2) Glasa se samo za kandidate navedene na glasačkom listiću.

(3) Glasачki listić popunjava se tako da se označiznakom X ispred imena kandidata za kojeg se glasa.

Član 17.

(1) Važećim se smatra onaj glasački listić iz kojeg se na siguran i nedvojben način može utvrditi za kojeg je kandidata birač glasao.

(2) Nevažećim će se smatrati nepopunjeni glasački listić, glasački listić na kojem se ne može sa sigurnošću utvrditi za kojeg je kandidata birač glasao, kao i ako je birao veći broj delegata od propisanog.

(3) Ako je birač glasao za manji broj kandidata, nego što se bira delegata u Skupštinu Komore, glasački listić je važeći.

Član 18.

(1) Nakon isteka roka za glasanje Izborna komisija odmah poslije glasanja utvrđuje rezultate izbora, i dostavlja ih Centralnoj komisiji na potvrđivanje.

Page | 6

(2) Prilikom potvrđivanja rezultata glasanja Centralna komisija uzet će u obzir glasačke listiće i zapisnike Izbornih komisija koji su zaprimljeni u roku od 3 radna dana nakon završetka glasanja u izbornoj jedinici.

Član 19.

(1) O svom radu, Izborna komisija i Centralna komisija vode zapisnik u koji će ubilježiti:

- broj birača izborne jedinice upisanih u popis birača
- broj birača koji je glasao
- broj birača koji nije glasao
- broj glasačkih listića koji su proglašeni nevažećim
- ime i prezime svakog kandidata s naznakom koliko je pojedini kandidat dobio glasova
- sve što je bitno za izborni postupak.

(2) Svaki član Izborne komisije i Centralne komisije može staviti primjedbu na zapisnik.

(3) Zapisnike potpisuju svi članovi Izborne komisije i Centralne komisije.

(4) Zapisnike iz prethodnog stava, Izborna komisija Centralnoj komisiji, a Centralna komisija Upravnom odboru Komore, dužne su dostaviti u roku od tri radna dana nakon završetka glasanja.

Član 20.

(1) Rezultate izbora za delegate Skupštine Komore potvrđuje Centralna komisija na temelju rezultata glasanja u svim Izbornim jedinicama.

(2) Izabrani su oni kandidati koji su dobili najveći broj glasova u svojoj izbornoj jedinici, a shodno članu 8. ovog Pravilnika.

Član 21.

Nakon što Centralna komisija postupi shodno odredbi stava 3. člana 19. ovog Pravilnika, objavljuje rezultate glasanja na oglasnoj ploči i web stranici Komore, te na oglasnim pločama izbornih jedinica.

Član 22.

(1) Prigovor zbog nepravilnosti u postupku kandidiranja i postupku izbora može podnijeti svaki birač za svoju izbornu jedinicu.

(2) Prigovor iz prethodnog stava podnosi se Centralnoj komisiji u roku od 48 sati računajući od isteka dana kada je izvršena radnja na koju se stavlja prigovor.

(3) Centralna komisija dužna je donijeti rješenje o prigovoru u roku tri radna dana od dana dostave prigovora, odnosno od dana kada su joj dostavljeni izborni materijali na koje se odnosi prigovor.

Page | 7

Član 23.

(1) Ako Centralna komisija, rješavajući o prigovoru iz člana 22. ovog Pravilnika, utvrdi da je bilo nepravilnosti koje su bitno utjecale ili mogle utjecati na rezultate, Centralna komisija poništiti će izbore za delegate u određenoj izbornoj jedinici i odrediti rok u kojem će se održati ponovljeni izbori.

Član 24.

(1) Protiv rješenja Centralne komisije iz člana 22. stava 3. ovog Pravilnika dopuštena je žalba Upravnom odboru Komore.

(2) Svaki od kandidata za neku od funkcija koje bira Skupština iznosi svoj plan i program rada u maksimalno petominutnom izlaganju, na Izornoj Skupštini.

(3) Svaki od kandidata za bilo koju funkciju može biti opozvan i prije isteka mandata.

II 2. Izbor predsjednika Skupštine i zamjenika predsjednika Skupštine

Član 25.

(1) Predsjednik Skupštine i podpredsjednik Skupštine bira se između članova Skupštine na sjednici Skupštine.

(2) Za predsjednika Skupštine i podpredsjednika Skupštine biće izabrani kandidati koji dobiju najveći broj glasova delegata prisutnih na sjednici Skupštine.

(3) Mandat predsjednika i podpredsjednika Skupštine traje 4 godine.

(4) Iznimno od stava 3. ovog člana mandat predsjednika Skupštine, odnosno mandat podpredsjednika Skupštine, prestaje danom imenovanja istih na neku od dužnosti tijela javne i državne vlasti, ili političke partije.

(5) Mandat predsjednika Skupštine i podpredsjednika Skupštine prestaje danom imenovanja istih na neku od dužnosti tijela javne i državne vlasti ili političke partije.

II 3. Prijevremeni prestanak mandata delegatu Skupštine i opoziv delegata

Član 26.

(1) Delegatu Skupštine prestaje mandat prije isteka vremena na koje je izabran ako:

- podnese ostavku
- prestane biti član Komore
- ako je opozvan
- ako mu je privremeno ili trajno oduzeto Odobrenje za samostalni rad (licenca)

- ako mu je pravomoćnom sudskom odlukom oduzeta poslovna sposobnost
- ako je pravomoćnom presudom osuđen na bezuvjetnu kaznu zatvora, temeljem koje je časni sud Ljekarske komore donio odluku o nedostojnosti za obavljanje liječničke djelatnosti.

(2) Odredbe stava 1. ovog člana na odgovarajući način se primjenjuju i na ostala tijela Komore. Page | 8

Član 27.

(1) Delegat Skupštine može biti opozvan u sljedećim slučajevima ako:

- sudjeluje u donošenju nezakonitih odluka ili kojima se nanosi šteta Komori u skladu sa Statutom
- neopravdano izostane dva ili više puta sa sjednica Skupštine

(2) Prijedlog za opoziv delegata Skupštine može se podnijeti Izornoj komisiji izborne jedinice kojoj delegat pripada.

Prijedlog za opoziv delegata se dostavlja i Upravnom odboru Komore koji utvrđuje postojanje razloga za opoziv iz stava 1. ovog člana.

(3) Ako Upravni odbor utvrdi da postoje osnovani razlozi za opoziv, delegat Skupštine se opoziva i prestaje mu mandat prije isteka vremena na koje je izabran.

(4) Umjesto opozvanog delegata Skupštine, delegat postaje kandidat koji je na izborima za delegate Skupštine bio sljedeći po broju glasova iza izabranih delegata.

III ČLANOVI UPRAVNOG ODBORA

Član 28.

(1) Skupština Komore bira članove Upravnog odbora.

(2) Predsjednik Skupštine iznosi kandidature iz osnovnih izbornih jedinica.

(3) Za sve predložene kandidate iz iste predstavničke jedinice glasa se pojedinačno.

Upravni odbor ima 9 članova i čine ga predstavnici: primarne zdravstvene zaštite, bolničke zdravstvene zaštite sekundarnog i tercijarnog nivoa, medicinskog fakulteta, javnog zdravstva, te privatnih zdravstvenih radnika liječničke struke.

Članovi Upravnog odbora na prvoj konstituirajućoj sjednici, između sebe, biraju predsjednika Upravnog odbora.

Mandat članova Upravnog odbora, odnosno predsjednika i dopredsjednika stalnih odbora Komore, prestaje danom imenovanja istih na neku od dužnosti tijela javne i državne vlasti ili političke partije.

IV PREDSJEDNIK I PODPREDSJEDNIK KOMORE

Član 29.

(1) Predsjednika i podpredsjednika Komore bira Skupština Komore na svom prvom zasjedanju.

(2) Izborni postupak za Predsjednika, odnosno podpredsjednika Komore provodi Centralna komisija iz člana 4. ovog Pravilnika.

(3) Na izbor Predsjednika, odnosno podpredsjednika Komore, na odgovarajući način se primjenjuju odredbe o izboru delegata za Skupštinu Komore ovog Pravilnika.

Page | 9

Član 30.

(1) Kandidata za Predsjednika, odnosno podpredsjednika Komore podržavaju članovi Komore.

(2) Za pravovaljanost kandidature potrebno je skupiti 90 potpisa članova Komore.

(3) Kandidat za Predsjednika odnosno podpredsjednika Komore ističe kandidaturu, a članovi Komore (ili delegati Skupštine) podržavaju njegovu kandidaturu na propisanom obrascu za isticanje kandidature koji sadrži:

- podatke o kandidatu: ime i prezime, adresu stanovanja, specijalizaciju, mjesto rada kandidata te potpis kandidata
- podatke o članovima Komore koji podržavaju kandidaturu kandidata za Predsjednika odnosno podpredsjednika Komore: ime i prezime, adresu stanovanja, broj lične karte te potpis.

Član 31.

(1) Ispunjeni obrazac za isticanje kandidature iz člana 30. stav 3. mora prispjeti u Centralnu komisiju najkasnije osam dana prije dana koji je određen odlukom Upravnog odbora kao datum održavanja Skupštine.

(2) Uz obrazac iz stava 1. ovog člana kandidat je obvezan dostaviti:

- Izjavu o prihvatanju kandidature Predsjednika odnosno podpredsjednika Komore na propisanom obrascu,
- Potvrdu da protiv njega nije izrečena teža disciplinska mjera privremenog ili trajnog oduzimanja licence od strane nadležnih tijela Komore,
- Ovjerenu Izjavu da nije na funkciji u javnoj ili državnoj vlasti, ili organu političke partije.

Član 32.

(1) Za pravovaljanost izbora Predsjednika i podpredsjednika Komore na Skupštini mora biti prisutna nadpolovična većina prisutnih delegata Skupštine koja ima kvorum.

(2) Glasanje za Predsjednika odnosno podpredsjednika Komore obavlja se tajno, ukoliko Skupština ne odluči drugačije.

(3) Ako se bira između dva kandidata, izabran je kandidat koji je dobio većinu glasova delegata.

(4) Ako se bira između tri i više kandidata izabran je onaj kandidat koji je dobio nadpolovičnu većinu glasova od prisutnih delegata Skupštine.

(5) Ako se prijavi samo jedan kandidat, glasački listić mora imati predviđene opcije ZA i PROTIV.

(6) Ako niti jedan kandidat nije dobio nadpolovičnu većinu, iz stava 4. ovog člana, glasanje se ponavlja za dva kandidata koji su dobili najveći broj glasova u prvom glasanju.

(7) Ako koji od kandidata, iz stava 4. ovog člana, odustane, pravo da bude biran ima kandidat koji je sljedeći po broju dobivenih glasova.

(8) U drugom krugu glasanja izabran je kandidat koji je dobio nadpolovičnu većinu glasova od broja prisutnih delegata na Skupštini.

(9) Mandat Predsjednika i podpredsjednika Komore je četiri (4) godine.

(10) Ograničenje na dva uzastopna mandata se odnosi i na ostala rukovodeća tijela Komore kao i članstvo u svim odborima i komisijama Komore.

(11) Članovi imaju pravo ponovnog biranja u rukovodeća tijela, odbore i komisije Komore nakon dva izborna ciklusa.

(12) Svi članovi upravnih organa Komore ne mogu se birati u organe Federalne Komore.

Član 33.

(1) Ako Skupština ne izabere Predsjednika odnosno podpredsjednika Komore ponovit će se izbori za Predsjednika odnosno podpredsjednika Komore u roku od 60 dana.

(2) U slučaju iz stava 1. ovog člana dosadašnjem Predsjedniku odnosno podpredsjedniku Komore produžuje se mandat do izbora novog Predsjednika odnosno podpredsjednika Komore.

Član 34.

(1) Mandat Predsjednika Komore, odnosno mandat podpredsjednika Komore, prestaje danom imenovanja istih na neku od dužnosti tijela javne i državne vlasti, ili političke partije.

(2) Opoziv Predsjednika Komore se vrši na način propisan Statutom i Poslovníkom o radu Skupštine.

V NADZORNI ODBOR, ČLANOVI SUDA ČASTI KOMORE, BRANIOCI I TUŽITELJ KOMORE

Član 35.

(1) Članove Nadzornog odbora Komore bira Skupština.

(2) Izborni postupak za Nadzorni odbor Komore provodi Centralna izborna komisija iz člana 4. ovog Pravilnika.

(3) Za članove Nadzornog odbora Komore izabrani su kandidati koji dobiju najveći broj glasova delegata.

(4) Mandat članova Nadzornog odbora, prestaje danom imenovanja istih na neku od dužnosti tijela javne i državne vlasti ili političke partije.

(5) Članove Suda časti Komore bira Skupština Komore.

(6) Za članove Suda časti Komore izabrani su kandidati koji dobiju najveći broj glasova.

(7) Mandat članova Suda časti Komore prestaje danom imenovanja istih na neku od dužnosti tijela javne i državne vlasti ili političke partije.

(8) Članovi Komore mogu biti birani u samo jedno tijelo Komore.

Branioca Komore, Tužitelja Komore i dva zamjenika Tužitelja bira Skupština većinom glasova na osnovu kandidatura članova Komore.

VI PRIJEVREMENI IZBORI

Član 36.

- (1) Ako delegatu Skupštine prestane mandat prije isteka vremena na koje je izabran, delegat Skupštine postaje kandidat koji je na izborima za delegate Skupštine bio slijedeći po broju glasova iza izabranih delegata.
- (2) Novom delegatu, iz stava 1. ovog člana mandat traje do kraja mandata delegata Skupštine.

Page | 11

Član 37.

- (1) Ako jednoj trećini delegata Skupštine prestane mandat prije isteka vremena na koje su izabrani, a ne mogu se delegatska mjesta popuniti na način iz člana 36. stava 1. ovog Pravilnika, raspisuju se prijevremeni izbori za broj delegata, kojima je prestao mandat prije isteka vremena na koje su izabrani.
- (2) Izabrani delegati na prijevremenim izborima imaju mandat do kraja mandata Skupštine.

Član 38.

Na navedene funkcije u Komori: Predsjednik Skupštine Komore, Predsjednik Upravnog odbora Komore, Predsjednik Komore, te Dopredsjednik Komore, trebaju biti ravnopravno zastupljeni predstavnici sva tri nivoa zdravstvene zaštite.

VII ZAVRŠNE ODREDBE

Član 39.

- (1) Ovaj Pravilnik stupa na snagu osmog dana od dana objave na Oglasnoj ploči Komore, a objavljuje se i na web stranici Komore.
- (2) Danom stupanja na snagu ovog Pravilnika prestaju važiti odredbe Poslovnika o radu Skupštine i Statuta Ljekarske/Liječničke komore Kantona Sarajevo koje regulišu ovu materiju.

**Predsjednik
Skupštine Ljekarske/liječničke Komore
Kantona Sarajevo**

Dr Raho Spahović, s.r.

